



PAMFLET

1264











# Copie eens briefts / geschre-

ven tot het legheer der Heeren Staten Generael der  
vereenichde Nederlanden / in Vlaenderen ontrent  
Damme / waerinne verhaelt wort de gheluckighe  
victorie die Gode Almachtich sijn Excellentie Pri.

Maurits met het krijsvolck heeft verleen


teghen onse vyanden aldaer op

Den xviij. Mey 1604.




Gedruct tot Delft / By Jacob Cornelisz Verne-  
cool, wonende by de Wismarct int vergulde  
Schrijfboeck.



  
Copie eens Briefts / gheschreuen wt het Leger der  
Heeren Staten Generael der vereenichde Neder-  
landen / in Vlaenderen ontrent Damme / waer-  
inne verhaelt wort de gheluckighe victorie die God  
Almachtich syn Excellentie Pr. Maurits met  
sijn krijsch-volck heeft verleent teghen on-  
se vyanden aldaer / op den xvj. May  
deses Jaers 1604.

Edele ende vermoghende Heeren,

ijn Heeren / Zijn Excellentie is  
huyden morgen opghetoghen met het ge-  
heele Legher / achtervolghende t'ghene  
wy W. C. ghisteren hebben gheadviseert /  
Ende ghecommen zijnde ontrent een half  
mijlen van het stedecken Damme / heeft  
bebonden den vyant ghelogeert te wesen  
op wederzijden bande vaerden ofte rivie-  
ren / sterck zijnde ontrent vijf vyfent boetknechten / ende elf  
Cornetten peerden / naer het rapport van eenighe bande ghe-  
vanghenen / Ende begonnen hebbende een schermutsinghe  
met de ghene die ghelogeert waren op de Suytzijde bande  
Riviere ghenaemt de Soute / die sterck waren twee duy-  
sent te boete ende vier Cornetten peerden / heeft Godt Al-  
machtich daer van sulcken wtcoemste verleent / dat den  
vyant gheheel inde blucht is gebracht / waer van wel iii. ofte  
iiij. hondert verslaghen / ende vele ghevanghen ghenomen  
zijn



zijn / daer onder neghen Capiteynen die alreede bekend zijn /  
ende veel andere Officieren. De voorschreuen vijf duysent  
mannen waren ghecomponeert van dertien hondert Ita-  
lianen / acht hondert Spaengiaerden / ende voorts Walen  
ende Duytschen: Een partije was ghecome van het Sas /  
ende eene van voors. Ostende. Don Lowis de Velasco heeft  
ouer de voorschreuen troupen ghecommandeert / ende is me-  
de inde rencontre gheweest.

De vyant hadde een groot retrenchement / en groot voors-  
deel omme hem te bewaren / hadden sy haerlieder voorsdeel  
connen ghebruycken. Het principael effort van onser zijden  
is ghedaen by den Colonel Horatio Weer / ende den Luyte-  
nant-Colonel Ogle / midtsgaders Marquette / se. veel het  
voetvolck aengaet: ende by Broughton ende de Compagnien  
van Pauwels ende Marcelis Bacr de Ruyters. Ons voet-  
volck heeft weynige schade gheleden / maer van de ruyteren  
moghen ontrent vijftich paerden t'onghebruycke ghemaect  
zijn. Den Ritmeester Bacr is in sijn been boven de knie ge-  
schoten / maer men hoopt dattet een bleesch wonde is. Sijne  
Ghenade Graef Wilhelm heeft seer wijselick ende bromelic  
ter bequamer tijdt de ghemelte Colonellen ghelaft den vyant  
te fonceren / naer dat de scharmutsinghe meer als anderhalf  
ure gheduert hadde: ende is onder sijne Ghenade voorschre-  
ven een peert gheschoten.

Godt Almachtich zy hier van ghelooft / ende verleene dat  
t'ghene sijn Excellentie voortaen sal voornemen soodanighe  
wtcomste mach ghewinnen.

Wt het Legher by Damme desen xvj. Mey 1604.

FAIS.

Est misrib inde yafstra  
haghe



[illegible]

... ..

卷之四





